

欽定四庫全書

子部

薛氏醫案卷十七



南京中医药大学图书馆版权所有

詳校官太醫院吏目臣朱桂

編修臣倉聖脈覆勘

欽定四庫全書

薛氏醫案

不
風
氣
凝
而
有
癰
風
其
治

目
干
身
道
不
利
故
使
鼻
柱
而
有
癰
風
其
治

明 薛己 撰

俞散於分肉之間與衛
膜而有癰衛氣有所凝而
腑其氣不清故使鼻柱

而不去名曰癰風其治

欽定四庫全書

薛氏醫案

一

法當刺肌肉骨髓以洗滌衛之沸熱靈樞經以銳針刺腫
上出惡血近代先哲云感天地肅殺惡氣所致其上體先
見或多者毒在上也下體先見或多者毒在下也蓋氣受
邪則上多血受邪則下多氣血俱受則上下齊見若鬚毛
先落毒在肺面發紫泡者毒在肝脚底先痛或穿者毒在
腎遍身如癬者毒在脾目先損者毒在心此五臟受症之
重也一日皮死麻木不仁二日肉死針刺不痛三日血死
爛潰四日筋死指脫五日骨死鼻柱壞此臟受傷之不可

治也若聲啞目盲尤為難治大抵此症多由勞傷氣血腠理不密或醉後房勞沐浴或登山涉水外邪所乘衛氣相搏濕熱相火血隨火化而致故淮揚嶺南閩間多患之治當辨本症兼症變症類症陰陽虛實而治焉若妄投燥熱之類膿水淋漓則肝血愈燥腎水愈傷相火愈旺反致敗症矣

本症治法

一癘瘍所患非止一臟然其氣血無有弗傷兼症無有弗雜沉積歲而發現於外須分經絡之上下病勢之虛

實不可驟施攻毒之藥當先助胃壯氣使根本堅固而後治其瘡可也經云真氣奪則虛邪氣勝則實凡云病屬有餘當認為不足

一癰瘍當知有變有類之不同而治法有汗有下有砭刺攻補之不一蓋兼症當審輕重變症當察先後類症當詳真偽而汗下砭刺攻補之法又當量其人之虛實究其病之源委而施治之蓋虛者形氣虛也實者病氣實而形氣則虛也

一癰瘍砭刺之法子和張先生謂一汗抵千針蓋以砭血不如發汗之周遍也然發汗即出血出血即發汗二者一律若惡血凝滯在肌表經絡者宜刺宜汗取委中出血則效若惡毒蘊結於臟非蕩滌其內則不能痊若毒在外者非砭刺遍身患處及兩臂腿腕兩手足指縫各出血其毒必不能散若表裏俱受毒者非外砭內泄其毒決不能退若上體患多宜用醉仙散取其內蓄惡血於齒縫中出及刺手指縫并臂腕以去肌表毒血下

體患多宜用再造散令惡血陳蟲於穀道中出仍針足
指縫并腿腕隔一二日更刺之以血赤為度如有寒熱
頭疼等症當大補血氣

一癰瘍服輕粉之劑若腹痛去後兼有膿穢之物不可
用藥止之若口舌瘡痛穢水時流作渴發熱喜冷此為
上焦熱毒宜用瀉黃散若寒熱往來宜用小柴胡湯加
知母若口齒縫出血發熱而大便秘結此為熱毒內淫
宜用黃連解毒湯若大便調和用濟生犀角地黃湯若

穢水雖盡口舌不愈或發熱作渴而不飲冷此為虛熱也宜用七味白朮散

一癘瘍手足或腿臂或各指拳攣者由陰火熾盛虧損氣血當用加味道遙散加生地黃及換肌散兼服

一癘瘍生蟲者五方風邪翕合相火制金木盛所化內食五臟而症見外也宜用升麻湯送瀉青丸或樺皮散以清肺肝之邪外灸承漿以疏陽明任脉則風熱息而蟲不生矣肝經虛熱者佐以加味道遙散六味地黃丸

一癘瘍久而不愈有不慎起居飲食內火妄動者有臟腑傷損氣血疲乏者有用攻伐之藥氣血愈虧者有不分兼變相雜用藥失宜者有病人諱疾忌醫者

一癘瘍愈而復發有不戒厚味內熱傷脾者有不戒房勞火動傷腎者有不戒七情血氣傷損者有餘毒未盡兼症干動者有氣虛六淫外乘者古人云此症百無一生正謂此耳

兼症治法

一頭目眩暈若右寸關尺脉浮而無力脾肺氣虛也用
補中益氣湯若左關尺脉數而無力肝腎氣虛也用六
味地黃丸若右寸尺脉浮大或微細陽氣虛也用八味
地黃丸血虛者四物湯加參苓白朮氣虛者四君子湯
加當歸黃芪肝經實熱者柴胡清肝散肝經虛熱者六
味地黃丸脾氣虛弱者補中益氣湯脾虛有痰者半夏
白朮天麻湯衄血過多者芎歸湯發熱惡寒者聖愈湯
大凡發熱則真氣傷矣不可用苦寒藥恐復傷脾胃也

一口喎目斜若手足牽搐或髻稜痒動屬肝經血虛風熱用加味逍遙散六味地黃丸以生肝血滋腎水若寒熱往來或耳聾脇痛屬肝木熾盛先用小柴胡合四物湯以清肝火生肝血若筋攣骨痛或不能動履用六味地黃丸補中益氣湯以滋化源若因服燥藥而致者用四物湯加生甘草金銀花以解熱毒益陰血凡此俱屬肝經血燥所致須用六味地黃丸補中益氣湯為主若因怒氣房勞而甚者用六味地黃丸十全大補湯為主

若因勞傷形體而甚者用補中益氣湯十全大補湯為主
一夏秋濕熱行令若飲食不甘頭目眩暈遍身酸軟
或兩腿麻木口渴自汗氣促身熱小便黃數大便稀溏
濕熱傷元氣也用清燥湯如在夏令用清暑益氣湯若
自汗盜汗氣高而喘身熱脉大元氣內傷也用補中益
氣湯若嘔吐少食肚腹痞悶大便不實脾胃受傷也用
六君子湯若胸腹不利飲食少思吐痰不止脾胃虛痞
也用六君湯若形氣倦怠肢體麻木飲食少思熱傷元

氣也用人參益氣湯

一熱渴便濁若夜寒晝熱者熱在氣分也用清心蓮子
飲晝安夜熱者熱在血分也用四物二連湯俱佐以六
味地黃丸若寒熱往來者肝經血虛也用加味逍遙散
六味地黃丸

一小便不利若因服燥藥而致者用四物湯加炒黑黃
柏知母生甘草以滋陰血若頻數而色黃者用四物湯
加參朮麥門五味子以生氣血若短而色黃者用補中

益氣湯加山藥麥門五味以滋化源經云無陰則陽無以生無陽則陰無以化

一大便不通若血虛內熱而澁滯者用四物湯加麥門五味子以生血潤燥若因燥熱之藥而患者用四物湯加連翹生甘草以生血清熱若服尅伐之藥而致者用四君湯加芎歸以助氣生血若作渴飲冷者熱淫於內也用竹葉石膏湯以清胃火若作渴飲湯者腸胃虛熱也用竹葉黃芪湯以補氣生津若內熱作渴面赤飲湯

者用四物湯送潤腸丸以涼血潤燥若腸胃滿脹燥在
直腸而不通者用猪膽汁導之腸胃氣虛血涸而不通
者用十全大補湯若肝膽邪盛脾土受傷而不能輸化
者用小柴胡湯加山梔郁李仁枳殼治之

一怔忡無寐或兼衄血便血若內熱晡熱作渴飲湯肢
體倦怠此脾血虛而火動也用四君子加芎歸若思慮
傷脾動火而致用歸脾湯加山梔若發熱晡熱用八珍
湯加酸棗仁茯神遠志若因心血虛損用栢子仁散大

抵此症皆心脾血少所致但調補胃氣則痰清而神自安不必專於清熱治痰

一發熱惡寒若肢體倦怠煩躁作渴氣高而喘頭痛自汗者此內傷氣血也用補中益氣湯加五味麥門倦怠食少大便不調小便頻數洒淅惡寒者此脾肺氣虛也用升陽益胃湯煩躁作渴體倦少食或食而不化者此脾氣虛熱也用六君子湯

一發熱在午前脉數而有力者氣分熱也用清心蓮子